

## तेरै होतां कईया बिपदा पड़ गयी भारी रे

अब तो आज करके बाबा लीले सवारी रे,  
तेरै होतां कईया बिपदा पड़ गयी भारी रे,

चिड़कली भी चूंच मारै जईया बाज है मारै रे,  
मूसकड़ा भी चिखण लाग्या जईया बाघ दहाड़े रे,  
मेरी लाज थां रै हाथां है थां री जिम्मेदारी रे,  
तेरै होतां कईया बिपदा पड़ गयी भारी रे....

आंख्यां स्यूं बस नीर बहवै छै हिवड़ो कल-कल रोवै रे,  
देख दशा या म्हारी बाबा बोल तू कईया सोवै रे,  
तनै तरस ना आवै म्हारी देख लाचारी रे,  
तेरै होतां कईया बिपदा पड़ गयी भारी रे...

आंधी चालै तूफां चालै नैया डिगमिग डोलै रे,  
मौन रव्है सुण चीख आ म्हारी क्यो बाबा ना बोलै रे,  
बण कै माझी पार लगा द्यो दरियो भारी रे,  
तेरै होतां कईया बिपदा....

तेरी मोर छडी रो जादू अब तो श्याम दिखा दे रे,  
बिपदा म्हां री मेटण खातर बाण ही एक चला दे रे,  
दुनिया भी देखै निर्मल री श्याम स्यूं यारी रे,  
तेरै होतां कईया बिपदा पड़ गयी भारी रे,  
तेरै होतां कईया बिपदा.....

<https://www.bhajanganga.com/bhajan/lyrics/id/21837/title/tere-hotea-kaiya-bipda-pad-gai-bhaari-re>

अपने Android मोबाइल पर [BhajanGanga](#) App डाउनलोड करें और भजनों का आनंद ले |